



## Press Release

### **Penaiktarafan Sistem Pendaftaran bagi *Domestic Runners* : *Runners 2.0* (*Upgrading of Domestic Runners Registration System: Runners 2.0*) (Isnin, 03 Rabiulakhir 1443 bersamaan 08 November 2021)**

1. 8hb November 2021 - Kementerian Pengangkutan dan Infokomunikasi (MTIC) ingin merujuk kepada siaran akhbar pada 7hb Oktober 2021 mengenai Pendaftaran bagi *Domestic Runner*.
2. MTIC ingin mengucapkan ribuan terima kasih kepada orang ramai khususnya *domestic runners* yang telah memberikan kerjasama dengan membuat pendaftaran sebagai *domestic runners* di laman web MTIC yang telah bermula pada 02 Oktober 2021. Setakat 8hb November 2021, Alhamdulillah sejumlah 5,814 individu telah mendaftar sebagai *domestic runners* seperti yang tersenarai di laman web MTIC.
3. Sehubungan itu, sebagai usaha untuk meningkatkan perkhidmatan kepada orang ramai, khususnya *domestic runners*, MTIC ingin memaklumkan bahawa bermula hari Isnin, 8hb November 2021, Sistem Pendaftaran bagi *Domestic Runners* telahpun dinaiktaraf iaitu *Runners 2.0*, yang mengandungi beberapa ciri baharu, antara lainnya, seperti berikut:-
  - i. Ciri baharu pertama ialah Pengemaskinian Maklumat *Domestic Runners*
    - a. Sistem Runners 2.0 akan membolehkan *domestic runners* yang berdaftar untuk mengemaskini maklumat-maklumat mereka secara dalam talian.
    - b. Ini termasuk mengemaskini maklumat asas sekiranya terdapat sebarang perubahan dalam maklumat yang telah dimasukkan semasa pendaftaran awal, khususnya berkaitan status vaksinasi;

- c. Selain itu, Sistem Runners 2.0 juga akan memerlukan *domestic runners* untuk memasukkan maklumat tambahan seperti tarikh lahir, jantina, daerah, status vaksinasi COVID-19, tarikh mendapat dos suntikan vaksin dan tarikh terkini menjalani ujian swab Polymerase Chain Reaction (RT-PCR SARS-CoV-2) .
- ii. Ciri baharu kedua ialah *Colour coding*
  - a. Seperti saranan Kementerian Kesihatan, semua *domestic runners* yang berdaftar adalah diperlukan untuk menjalani ujian swab (Polymerase Chain Reaction (RT-PCR SARS-CoV-2) setiap minggu dan dikehendaki untuk mengemaskini tarikh terakhir ujian swab masing-masing ke dalam laman web MTIC mulai 8 Oktober 2021;
  - b. Sehubungan itu, di bawah sistem Runners 2.0, ciri baharu *colour coding* diperkenalkan yang mempunyai dua kod warna iaitu hijau dan merah;
  - c. *Domestic Runners* yang telah mengemaskini tarikh terakhir ujian swab Polymerase Chain Reaction (RT-PCR SARS-CoV-2) mereka setiap minggu akan diberikan kod warna hijau;
  - d. Walaubagaimanapun, bagi *Domestic Runners* yang tidak mengemaskini tarikh terakhir ujian swab Polymerase Chain Reaction (RT-PCR SARS-CoV-2) pada setiap minggu, mereka akan diberikan kod warna merah. Kod merah ini hanya akan bertukar kepada kod hijau setelah mereka mengemaskini tarikh terakhir ujian swab mereka;
  - e. Sistem ini akan membolehkan *auto-update* ke atas status *colour code domestic runners* berkenaan setiap kali mereka mengemaskini tarikh terakhir ujian swab masing-masing setiap minggu. Ini bermakna *colour code* bagi setiap runners adalah bergantung kepada tarikh terakhir ujian swab masing-masing; dan

- f. *Colour code* untuk setiap *runners* akan dipaparkan dalam *directory Domestic Runners* di laman web MTIC untuk rujukan orang ramai dan *runners* berkenaan mengenainya.
    - iii. Ciri baharu ketiga ialah fungsi carian (*search functions*) yang dipertingkatkan dengan membolehkan carian melalui nama, Runner ID Number dan syarikat (bagi *runners* yang berkhidmat dibawah syarikat-syarikat yang berdaftar). Ciri baharu ini menambahbaik kaedah *digital identification* bagi *runners* berkenaan berdasarkan maklumat yang dipaparkan melalui *Directory of Domestic Runners* di laman web MTIC untuk rujukan *runners* dan orang ramai secara umumnya.
4. Pengemaskinian sistem *Runners 2.0* merupakan salah satu usaha dalam sama-sama membendung penularan wabak COVID-19 disamping memastikan keselamatan dan perlindungan para *domestic runners* dan juga pelanggan mereka masing-masing. Ini adalah juga untuk memberi keyakinan kepada orang ramai bahawa garis panduan dan *Standard Operating Procedures (SOP)* yang ditetapkan adalah dipatuhi oleh *domestic runners* semasa mereka menjalankan operasi masing-masing.
5. Dalam kesempatan ini, MTIC ingin mengingatkan *domestic runners* untuk sentiasa mematuhi semua undang-undang, peraturan dan garis panduan yang ditetapkan di bawah Akta Penyakit Berjangkit Penggal 204 serta undang-undang dan peraturan berkaitan lain yang berkuatkuasa di Negara Brunei Darussalam.
6. Bagi maklumat lanjut mengenai Pendaftaran *Domestic Runners*, termasuk Garispanduan dan SOP *Domestic Runners*, orang ramai bolehlah melayari laman web MTIC di [www.mtic.gov.bn](http://www.mtic.gov.bn) dan bagi sebarang pertanyaan sila emel ke [runners@mtic.gov.bn](mailto:runners@mtic.gov.bn).

Disediakan oleh:  
Kementerian Pengangkutan dan Infokomunikasi  
Negara Brunei Darussalam  
E-mel: [info@mtic.gov.bn](mailto:info@mtic.gov.bn)